



Շատ անգամ բարեգործութիւններն հռչակվում և հրատարակվում են ուրիշներին խրախոյս, խրատ և օրինակ լինելոյ համար, որով և մասամբ բարեգործը կ'վարձատրուի բարոյապէս՝ պատճառ լինելով շատերին բարեգործութեան:

Այսպէս և ես ցանկալով շատերին խրախոյս կարգալ բարեգործների օրինակին հետեւելոյ՝ համառօտութեամբ նկարագրեցի բազուեցի ազգայնոց բարեպաշտ գործողութիւնքն յօգուտ ազգային հաստատութեանց, զոր և պատրաստեցի հրատարակել ի լուր ամենեցուն ի խրախուսութիւն բարեգործաց և ի հրաւիրումն այլոց դէպ ի բարեգործութիւն:

Բագուայ բարեպաշտ և պատուական ազգայինք, որ ամեն մի եկեղեցական, վանքական, դպրոցական, հասարակական և սոցա նման գործերի մէջ առաջին տեղն են բռնում, որոց ապացոյց նոցա մեծամեծ նուէրներն յօգուտ զանազան հաստատութեանց՝ մանաւանդ ի նպաստ Մայր Աթոռոյ սրբոյ էջմիածնի, նոյնպէս Մարգասիրական Ընկերութեան նորակառոյց եկեղեցական դպրոցն, որոյ հիմքն օրհնեց անցեալ տարի ի 23 հոկտեմբերի (1888) յաւուր տօնի Գիւտ Խաչին՝ Վեհափառ Հայրապետն ամենայն հայոց Տ. Մակար, Աղբատանոցն, որոյ շէնքըն օրհնեց նորին Վեհափառութիւնն ի 24 նոյն ամսոյ, ինչ-